

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.2. Ad horas singulas, alicuius mysterij passionis Christi meminisse.

[urn:nbn:de:hbz:466:1-47123](#)

collocatos. Cujus precationis formulam (uti & reliquias
pauci leges) adscriptam habes in libello, cui titulus: *Exer-
citorum amoris Dei pro nobis crucifixi: inque varijs Christi pa-
tientis imaginibus in confederatorum gratiam editis, cu-
démque dicatis.*

¶. 2.

*Ad horas singulas, alicujus mysterij passionis Christi,
meminisse.*

Exstat eam ob rem, circumferturque piorum manibus, formis æneis expressum (quod vocant) *Horologium Pa-
sionis*; ubi singulis diurnis nocturnisque horis assignatur, quid ea horā speciatim Christus passus sit: ut (sicut ea allu-
bescat religio) in promptu habeat, quo meminerit, quo-
nam cruciatus ista horā conflictatus sit Redemptor; eique
adeo eo nomine gratias agere, & suas, seu actiones seu pa-
ssiones, cum eo Christi dolore conjungere possit. (Cujus o-
pera in speciem levis, tamen (uti alias admonebimus) non
leve futurum est pretium: quod eum in morem particula-
tim singulas cujusvis diei horas, passionis Christi memori-
atque honori consecrando, sensim consuecat Christianus
vitam omnem pure sancteque degere; siatque tandem quod
exoptabat Apostolus: *Ut qui vivunt, jam non sibi vivant, sed
ei qui pro ipsis mortuus est.*)

Potissimum autem consultum erit, eam observatio-
nem adhiberi in Officij sacerdotalis sive Horarum canoni-
carum penitacione. Quod B. Ludovicum Bertrandum ex
Ordine S. Dominici, ita factitasse legimus, ut singulas Ho-
ras euodusam mysterij passionis (atque ejus, opinor, cui re-
colendo Hora qualibet addicta est) memoriam celebraret,
certâ præmissâ de ipso mysterio prectione.

Cui affine quiddam usurpabat ex Ordine nostro vi-
magnæ virtutis, P. Petrus Faber, singulas Horas canonicas,

2. Cor. §.

¶. 2. &c.
cap. 4.lib. 1. viss.
cap. 8.

tum vitæ à Christo inter nos actæ, tum præsertim dolorum ejus piæ recordatione consecranc: quæ res ita proditur ab illius vita scriptore: *In inchoandis Horis canoniciis (inquit)*^{l. 2. c. 7.} *in acerbissimos Christi cruciatus indignamque necem suæ mentis fgebat aspectum; & ut psallendo progrediebatur, ita in repu-*
tandis acrioribus ejus penitatis atque doloribus procedebat. San-
cta item Clara de Monte Falco singulis Horis canoniciis pa-
sionis Christi certa mysteria assignaverat; ut refert Nico-
laus Lancicius ex ejus Vita. Et videri possunt quæ huc per-
tinentia tradit etiam S. Mechtildis libro spiritualis gra-
tia, capite 28.

Quod porrò ad precatiunculam eâ gratiâ Horis præmittendam attinet; quædam habentur eam in rem concepte formule, breves equidem sed efficaces, si quis eas assuefat cum aliqua animi attentione promere. Quarum eam solum quæ ad Horam sextam pertinet, exempli causâ hic appono: nam facile erit cui placuerit, ad eam formam reliquas confidere, variato duntaxat mysterio cuiilibet Horæ accommodato. Sic igitur habet: *Salve Hora sacra, in qua,*
Domine IESU Christe, in monte Calvarie crudeliter denuda-
tes: & Domine IESU Christe, has omnes afflictiones tibi of-
fero; pro illis gratias ago; pro illis miserere mei.

§. 3.

De passione Domini libenter sermonem facere.

A Djungimus denique & hoc familiare pietatis exercitium; nimirum de passione Domini, ubi res tulerit, libenter sermonem ingerere; aliósque ad idem studium, ac JESU crucifixi amorem adducere.

Erit hoc, tum nostri adversus Christum patientem amoris indicium; nam siquid amamus, de eo libenter loquimur: tum præsidium memorie; frequens enim de re aliqua sermo; aliùs eam defigit in animis: tum denique,

A a

529